

**STATUTI DHE AKTI I THEMELIMIT  
I SHOQËRISË ME PËRGJEGJËSI TË KUFIZUAR  
KIBO SHPK**

Ne Tirane, sot me 27.07.2017, ne të nenshkruarit:

- Z. Ermal Parruca, shtetas shqiptar, lindur në Tiranë më 15.06.1982, pajisur me pasaportë nr. BG9330907;
- Z. Gentian Parruca, shtetas shqiptar, lindur në Tiranë më 05.07.1978], pajisur me letërnjoftim nr. 024416628 dhe numër personal H80705059H;
- Z. Bledar Kastrati, shtetas shqiptar, lindur në Tiranë më 16.09.1981, pajisur me letërnjoftim nr. 024749283 dhe numër personal I109161090;
- Z. Erind Leka, shtetas shqiptar, lindur në Tiranë më 06.05.1983, pajisur me letërnjoftim nr. 030195281 dhe nr. personal I30506051H;

permes ketij akti themelojmë një shoqëri me përgjegjësi të kufizuar, në përputhje me legjislacionin në fuqi të Republikës së Shqipërisë dhe këtë Akt themelimi dhe Statut.

**Neni 1  
Emri dhe Forma**

- 1.1 Shoqëria do të emërtohet KIBO (në vijim "**Shoqëria**").
- 1.2 Shoqëria KIBO Sh.p.k. krijohet në formën e një shoqërie me përgjegjësi të kufizuar, dhe ekziston e vepron në përputhje me Ligjin Nr. 9901, datë 14.04.2008 "Për Tregëtarët dhe Shoqëritë tregtare", te ndryshuar (në vijim "**Ligi për Shoqëritë tregtare**") dhe në përputhje me këtë Statut.

**Neni 2  
Selia e regjistruar**

- 2.1 Selia e Shoqërisë është në adresën: *Rruga Koco Brisku, Ish NPV, Elbasan, Shqipëri.*
- 2.2 Asambleja e Përgjithshme mund të vendosë celjen e filialeve, selive dytësore, degëve dhe përfaqësive të Shoqërisë në qytete të tjera të Shqipërisë si edhe jashtë vendit.

**Neni 3  
Kohëzgjatja e veprimtarisë**

- 3.1 Kohëzgjatja e veprimtarisë së Shoqërisë do të jetë e papërcaktuar.

**Neni 4  
Objekti i veprimtarisë**

- 4.1 Objekti i veprimtarisë të Shoqërisë është:
  - Përpunim aktiv të produkteve;
  - Prodhime artizanale dhe industriale;
  - Çdo veprimtari që lidhet me fushën e fasonerisë;
  - Tregtim i produkteve të prodhuara;
  - Import/eksport;
  - Çdo aktivitet tjetër i lejuar nga ligji i zbatueshëm në Republikën e Shqipërisë.
- 4.2 Objekti i veprimtarisë së Shoqërisë mund të ndryshohet, zgjerohet apo kufizohet përmes vendimeve të Asamblesë së Përgjithshme.



Neni 5  
**Kapitali themeltar**

- 5.1 Kapitali themeltar i Shoqërisë është 100.000.00 ALL. ( njëqind mijë lekë )
- 5.1.1 Kapitali themeltar i Shoqërisë përbëhet nga 4 kuota me vlerë nominale 26%, 25%, 25% dhe 24% secila, respektivisht 26.000.00 ALL (njëzet e gjashtëmijë), 25.000.00 ALL (njëzet e pesëmijë), 25.000.00 ALL (njëzet e pesëmijë ), dhe 24.000.00 ALL (njëzet e katermijë).

Neni 6  
**Kontributet dhe Kuotat e ortakeve**

- 6.1 Kontributi në kapitalin e shoqërisë është si më poshtë:
- Z. Ermal Parruca**, shtetas shqiptar, lindur në Tiranë më 15.06.1982, pajisur me pasaportë nr. BG9330907, mbajtës i një kuote përbërëse e 26% (njëzet e gjashtë) të kapitalit themeltar, me një kontribut prej 26.000.00 ALL (njëzet e gjashtëmijë)
  - Z. Gentian Parruca**, shtetas shqiptar, lindur në Tiranë më 05.07.1978, pajisur me letërnjoftim nr. 024416628 dhe numër personal H80705059H, mbajtës i një kuote përbërëse e 25% (njëzet e pesë) të kapitalit themeltar, me një kontribut prej 25.000.00 ALL (njëzet e pesëmijë)
  - Z. Bledar Kastrati**, shtetas shqiptar, lindur në Tiranë më 16.09.1981, pajisur me letërnjoftim nr. 024749283 dhe numër personal I109161090, mbajtës i një kuote përbërëse e 25% (njëzet e pesë) të kapitalit themeltar, me një kontribut prej 25.000.00 ALL (njëzet e pesëmijë),
- 5.1.2 **Z. Erind Leka**, shtetas shqiptar, lindur në Tiranë më 06.05.1983, pajisur me letërnjoftim nr. 030195281 dhe nr. personal I30506051H, mbajtës i një kuote përbërëse e 24% (njëzet e katër) të kapitalit themeltar, me një kontribut prej 24.000.00 ALL (njëzet e katermijë).
- 6.2 E drejta e votës së çdo ortaku është në proporcion me vlerën nominale të kuotës së tij.

Neni 7  
**Rritja e kapitalit themeltar**

- 7.1 Kapitali themeltar mund të rritet pa kufi në çdo moment, në përputhje me legjislacionin në fuqi, me vendim të Asamblesë së Përgjithshme.
- 7.2 Zmadhimi i kapitalit mund të bëhet me derdhje në para ose me kontribute në natyrë.

Neni 8  
**Zvogëlimi i kapitalit themeltar**

- 8.1 Shoqëria mund të zvogëlojë kapitalin themeltar me vendimin e Asamblesë së Përgjithshme. Në çdo rast kapitali themeltar nuk mund të zvogëlohet nën kufijtë e parashikuar nga ligji.
- 8.2 Zvogëlimi i kapitalit përballohet nga secili prej ortakëve në të njëjtën masë me pjesët e kapitalit të zotëruara prej tyre.

Neni 9  
**Transferimi i kuotave**

- 9.1 Kuotat janë lirisht të transferueshme nëpërmjet shitblerjes, trashëgimisë, dhurimit ose

me çdo mënyrë tjetër të parashikuar nga ligji.

Transferimi *inter vivos* i kuotave drejt të tretëve duhet të jetë subjekt i një të drejte për refuzim fillestar në favor të ortakëve të tjerë të cilët mund ta shfrytëzojnë këtë të drejtë sipas modaliteteve të detajuara në Nenet nga 9.2 deri 9.5 më poshtë.

- 9.2 Në rast se një ortak ("Ofertuesi") kërkon të shesë dhe/ose transferojë një pjesë ose të gjithë kuotën e tij, ortakët e mbetur ("Ortakët e Mbetur") duhet të kenë një të drejtë për refuzim fillestar në lidhje me kuotat që janë propozuar të transferohen ("Kuotat e Ofruara"), subjekt i kërkesave dhe kushteve të mëposhtme:
- Ofertuesi duhet t'i dërgojë fillimisht Ortakëve të Mbetur një njoftim me shkrim duke detajuar numrin e Kuotave të Ofruara, së bashku me cmimin e Kuotave të Ofruara, emrin e blerësit dhe kushte të tjera materiale të transfertës ("Oferta"), duke ftuar fillimisht Ortakët e Mbetur të blejnë këto Kuota të Ofruara duke shfrytëzuar të drejtën e parablerjes;
  - Ortakët e Mbetur kanë të drejtë që, në një masë proporcionale me kuotën që zotërojnë, të blejnë Kuotat e Ofruara sipas kushteve të Ofertës duke dërguar një njoftim me shkrim tek Ofertuesi brenda një periudhe prej tridhjetë (30) ditësh pas marrjes së njoftimit të Ofertuesit.
- 9.3 Në rast se vetëm një pjesë e Ortakëve të Mbetur dëshirojnë të blejnë Kuotat e Ofruara, secili prej këtyre Ortakëve të Mbetur do të ketë të drejtën të blejë Kuotat e Ofruara në një masë proporcionale me vlerën e kuotës që zotërojnë, duke dërguar një njoftim me shkrim tek Ofertuesi brenda një periudhe prej tridhjetë (30) ditësh pas marrjes së njoftimit të Ofertuesit ku shprehet se vetëm një pjesë e Ortakëve të Mbetur kanë si qëllim të blejnë Kuotat e Ofruara.
- 9.4 Në rast se asnjë prej Ortakëve të Mbetur nuk zgjedh të blejë Kuotat e Ofruara dhe/ose ka refuzuar të blejë këto Kuota të Ofruara, sipas mënyrës së përcaktuar, Ofertuesi do të ketë të drejtë të transferojë Kuotat e Ofruara tek një palë e tretë (në përputhje me kushtet e Ofertës fillestare).
- 9.5 Në çdo rast, transferimi/shitblerja e kuotave do të miratohet nga Asambleja e Përgjithshme në përputhje me nenin 12 të këtij Statuti, të marrë me shumicë të kualifikuar.

#### Neni 10

#### Asambleja e Përgjithshme

- 10.1 Asambleja e Përgjithshme është organi më i lartë vendimmarrës i Shoqërisë dhe merr vendime kur është mbledhur rregullisht.
- 10.2 Vendimet e marra nga Asambleja e Përgjithshme, e thirrur dhe e mbledhur rregullisht, në përputhje me ligjin dhe me këtë Statut janë të detyrueshme për të gjithë ortakët përfshirë ata që mungojnë.
- 10.3 Asambleja e Përgjithshme mblidhet në rastet e parashikuara nga ky Statut dhe Ligji për Shoqëritë Tregtarë si edhe sa herë është e nevojshme për mbrojtjen e interesave të Shoqërisë.
- 10.4 Asambleja e Përgjithshme mbahet në selinë e Shoqërisë ose në çdo vend tjetër të shënuar në njoftimin për mbledhje. Njoftimi për mbledhje i dërgohet me shkrim të gjithë ortakëve jo më vonë se 7 (shtatë) ditë përpara datës së mbledhjes. Njoftimi duhet të përmbajë vendin, datën, orën dhe rendin e ditës së mbledhjes.
- 10.5 Mbledhja e Asamblesë së Përgjithshme thirret nga administratorët. Thirrja e Asamblesë së Përgjithshme mund të kërkohet edhe nga ortaku ose ortakët që përfaqësojnë të paktën 5% të totalit të votave në Asamblenë e Përgjithshme.
- 10.6 Asambleja e Përgjithshme thirret në sesione të zakonshme e jashtëzakonshme.

Neni 11  
**Asambleja e Zakonshme**

- 11.1 Asambleja e zakonshme mblidhet, çdo vit brenda gjashtë muajve nga data e mbylljes së vitit financiar, për miratimin e raportit të administratorëve, pasqyrave financiare dhe llogarive vjetore.
- 11.2 Vendimet e zakonshme merren nga ortakët me të drejtë vote, të pranishëm në mbledhjen e asamblesë, që përfaqësojnë të paktën 30% (tridhjetë) të të gjithë kuotave të kapitalit të shoqërisë.
- 11.3 Nëse nuk arrihet kuorumi sipas pikës 11.2, Asambleja do të mblidhet përsëri jo më vonë se 30 ditë me të njëjtin rend dite.

Neni 12  
**Asambleja e Jashtëzakonshme**

- 12.1 Asambleja e Përgjithshme thirret në sesione të jashtëzakonshme sa herë është e nevojshme për marrjen e vendimeve në interes të Shoqërisë.
- 12.2 Vendimet që kanë të bëjnë me (por pa u kufizuar vetëm në to): ndryshimin e këtij Statuti, zmadhimin ose zvogëlimin e kapitalit të Shoqërisë, ndryshimin thelbësor të objektit të veprimtarisë së Shoqërisë, ndarjen e fitimeve, prishjen e Shoqërisë, transferimin e kuotave ose pjesëse të tyre, konsiderohen vendime të jashtëzakonshme.
- 12.3 Vendimet e jashtëzakonshme merren nga ortakët me të drejtë vote, të pranishëm në mbledhjen e asamblesë, që përfaqësojnë të paktën 50% (pesëdhjetë) të të gjithë kuotave të kapitalit të shoqërisë.

Neni 13  
**Pjesëmarrja, Votimi dhe Përfaqësimi**

- 13.1 Secili ortak ka të drejtën e pjesëmarrjes dhe votimit në mbledhjen e Asamblesë së Përgjithshme. Votat e disponuara nga secili ortak janë në numër të barabartë me kuotat e zotëruara prej tij.
- 13.2 Secili ortak mund të përfaqësohet në mbledhjet e Asamblesë nga një ortak tjetër apo nga një person i tretë me autorizim. Autorizimi mund të jepet vetëm për një mbledhje të Asamblesë së Përgjithshme, e cila përfshin edhe mbledhjet vijuese me të njëjtin rend dite.

Neni 14  
**Kompetencat e Asamblesë së Përgjithshme**

- 14.1 Asambleja e Përgjithshme vendos për:
- a) përcaktimin e politikave tregtare;
  - b) ndryshimin e Statutit;
  - c) emërimin dhe shkarkimin e Administratorit/ëve dhe caktimin e shpërblimit të tij/tyre;
  - d) emërimin dhe shkarkimin e likuidatorit/ëve dhe ekspertëve kontabël të autorizuar dhe shpërblimin e tyre;
  - e) mbikyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe raporteve të ecurisë së veprimtarisë;
  - f) miratimin e pasqyrave financiare vjetore dhe raportet e ecurisë së veprimtarisë;
  - g) miratimin e zmadhimit dhe zvogëlimit të kapitalit të Shoqërisë;
  - h) transferimin e kuotave ose pjesë të tyre;
  - i) përfaqësimin e Shoqërisë në gjykatë dhe në proçedime të tjera kundër administratorit/ëve;
  - j) shpërndarjen e fitimeve;
  - k) riorganizimin dhe prishjen e Shoqërisë;
  - l) miratimin e rregullave proçeduriale të mbledhjeve të Asamblesë;

m) çështje tjetër të caktuar nga ligji ose nga ky Statut.

#### Neni 15 Regjistri i Vendimeve

15.1 Të gjitha vendimet e marra nga Asambleja e Përgjithshme regjistrohen në Regjistrin e Vendimeve, të dhënat e të cilit nuk mund të ndryshohen ose të fshihen. Duhet regjistruar në veçanti, vendimet për:

- i. Miratimin e pasqyrave financiare vjetore dhe të raporteve të ecurisë së veprimtarisë;
- ii. Zmadhimin ose zvogëlimin e kapitalit themeltar;
- iii. shpërndarjen e fitimeve vjetore dhe mbulimin e humbjeve;
- iv. investimet;
- v. vendimet për riorganizimin dhe prishjen e Shoqërisë.

15.2 Lista e mesiperme nuk është shteruese dhe vendimet e paregjistruara në Regjistrin e Vendimeve janë absolutisht të pavlefshme.

#### Neni 16 Administrimi

16.1 Shoqëria administrohet nga një ose më shumë Administratorë, të cilët mund të veprojnë bashkërisht ose të veçuar. Afati i emërimit të administratorëve, në rast se nuk është parashikuar ndryshe nga Asambleja, është për një periudhë prej 5 (pesë) vitesh, me të drejtë rinovimi.

16.2 Administrator i parë i Shoqërisë caktohet:

- **Z. Ermal Parruca**, shtetas shqiptar, lindur në Tiranë më 15.06.1982, pajisur me pasaportë nr. BG9330907.

16.3 Administratori mund të emërojë përfaqësues të posaçëm për veprime apo kategori të caktuara veprimesh.

#### Neni 17 Kompetencat e Administratorit/ëve

17.1 Administratori/ët është/janë përgjegjës për çështjet e përditshme të Shoqërisë dhe përfaqëson/jnë Shoqërinë në marrëdhënie me të tretët në përputhje me dispozitat e Statutit ose ligjit të zbatueshëm.

17.2 Administratori/ët ka/në të gjitha kompetencat e zakonshme dhe të jashtëzakonshme për administrimin e Shoqërisë, përveç atyre që sipas Statutit ose ligjit të zbatueshëm i takojnë Asamblesë së Përgjithshme.

17.3 Administratori/ët ka/në kompetencat dhe detyrat e mëposhtme:

- a) mbikëqyr dhe zbaton politikën e biznesit të Shoqërisë;
- b) përfaqëson Shoqërinë;
- c) kujdeset që Shoqëria të zbatojë ligjet dhe standartet e mbajtjes së llogarive;
- d) përgatit dhe nënshkruan bilancin dhe raportin e ecurisë së veprimtarisë dhe së bashku me propozimet për shpërndarjen e fitimeve ja paraqet Asamblesë së Përgjithshme për miratim;
- e) siguron që deklaratat e llogarive vjetore si dhe raporti i ecurisë së biznesit dhe çdo deklarim tjetër i detyrueshëm sipas ligjit ose statutit, janë bërë siç duhet;
- f) siguron që auditimi i librave dhe i të dhënave kryhet të paktën një herë në vit nga ekspertë kontabël të çertifikuar dhe raporti i llogaritarëve publikë të çertifikuar t'i vihet në dispozicion Asamblesë së Përgjithshme;
- g) krijon një sistem paralajmërimi në kohën e duhur për rrethanat që kërcënojnë mbarëvajtjen e veprimtarisë dhe ekzistencën e Shoqërisë;
- h) raporton përpara Asamblesë së Përgjithshme lidhur me zbatimin e politikave tregtare;
- i) kryen çdo detyrë tjetër të caktuar nga ligji ose statuti.



5

**Neni 18**  
**Eksperti kontabël**

- 18.1 Në rast se kërkohet nga ligji apo vendoset nga Asambleja e Përgjithshme, kontrolli i pasqyrave financiare dhe librave kontabël të Shoqërisë mund t'i besohet një ose disa ekspertëve kontabël të autorizuar.
- 18.2 Eksperti kontabël i autorizuar mund të shkarkohet sipas mënyrës së parashikuar nga legjislacioni në fuqi.

**Neni 19**  
**Viti financiar dhe bilanci vjetor**

- 19.1 Viti financiar fillon më 1 janar dhe mbaron më 31 dhjetor të secilit vit.
- 19.2 Viti i parë financiar fillon në datën e regjistrimit të Shoqërisë në Qendrën Kombëtare të Regjistrimit dhe përfundon më 31 dhjetor të të njëjtit vit.
- 19.3 Bilancet vjetore, inventari, raportet e Administratorit dhe ekspertit kontabël të autorizuar miratohen nga Asambleja me shumicën e kërkuar nga Ligjit për Shoqëritë Tregtare.
- 19.4 Miratimi i dokumentave që lidhen me vitin financiar duhet të bëhet brenda 6 (gjashtë) muajve që nga fundi i vitit financiar.

**Neni 20**  
**Fitimet**

- 20.1 Fitimet që rezultojnë nga bilanci vjetor, u shpërndahen ortakëve në proporcion me vlerën e kuotës së zotëruar.
- 20.2 Asambleja mund të vendosë zbritje të veçanta në favor të rezervave të jashtëzakonshme ose për qëllime të tjera apo dhe shtyrjen e shpërndarjes së fitimeve, plotësisht ose pjesërisht, për vitet financiare të ardhshme.

**Neni 21**  
**Prishja**

- 21.1 Shoqëria prishet sipas formave të parashikuara nga Statuti ose ligji. Në rastin e prishjes së Shoqërisë, Asambleja e Ortakëve do zgjedhë një apo më shumë likuidues, duke përcaktuar kompetencat e tyre në përputhje me ligjin e zbatueshëm.
- 21.2 Shoqëria mund të ndahet apo bashkohet me shoqëri të tjera sipas vendimeve të Asamblesë së Përgjithshme.

**Neni 22**  
**Likuidimi**

- 22.1 Në rast prishje, Shoqëria duhet të likuidohet.
- 22.2 Për të administruar këtë procedurë, Asambleja emëron një ose më shumë likuidatorë, të cilët paraqesin raportet përfundimtare mbi gjendjen e aktivitetit dhe pasivitetit të Shoqërisë, mbi operacionet e likuidimit dhe mbi kohën e nevojshme për të përfunduar likuidimin.
- 22.3 Me përfundimin e procedurës së likuidimit, Asambleja do të vendosë mbi bilancin

 6

financiar përfundimtar, mbi punën e kryer nga likuiduesi dhe mbi përfundimin e procesit të likuidimit.

- 22.4 Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit ortakëve, në proporcion me pjesët e kapitalit të zotëruara prej tyre në kapitalin themeltar.

#### Neni 23

#### Zgjidhja e mosmarrëveshjeve

- 23.1 Të gjitha mosmarrëveshjet që mund të lindin në lidhje me interpretimin, zbatimin dhe zgjidhjen e këtij statuti dhe aktit të themelimit, si edhe ato që mund të lindin në përgjithësi midis ortakëve (përveç atyre personale apo jashtë Shoqërisë) ose midis një apo më shumë ortakëve dhe Shoqërisë, do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.
- 23.2 Në rast se nuk arrihet në një zgjidhje miqësore të mosmarrëveshjes, ato do t'i besohen Gjykatës së Rrethit Gjyqësor Tiranë.

#### Neni 24

#### Ndryshimet

- 24.1 22.1 Ky Statut mund të ndryshohet, rishikohet dhe/ose shfuqizohet pjesërisht ose i tëri dhe të zëvendësohet me një statut të ri me vendim të Asamblesë së Përgjithshme.
- 24.2 22.2 Ky Statut është hartuar në katër kopje në gjuhën shqipe, më vlerë të njëjtë secila.


Nënshkruar më 27.07.2017.


\*\*\*

#### ORTAKET

  
Ermal PARRUCA

  
Gentian PARRUCA

  
Bledar KASTRATI

  
Erind LEKA